

Ohcanvuđot ortnega njuolggadusat 2016 – Doarjja girjjálašvuoda buvttadeapmái

Njuolggadusaid ulbmilin lea addit deavddamearrádusaid Sámedikki bušehtii.

Mihttomearit ja ulbmilolahusa eavttut:

Dakkár kvalitatiivva buorre girjjálašvuoha, mii lea fidnemis sámegillii.

Ulbmilolahusa eavttut:

- Almmuhemiid lohku
- Vuvdojuvvon almmuhemiid lohku

Hálddašeapmi:

Doarjjahálddašeapmi galgá dávistit Stáhta ekonomiiastivrema njuolggadusaide, ja Sámedikki bušehtii.

Sámedikki dievasčoahkkin mearrida juolludeami jahkásaččat Sámedikki bušeahta bokte ja sáhtá válljet ángiruššansurggiid.

Sámediggi hálddaša ohcanvuđotortnegiid hálddahuslága mielde.

Ovttaskas mearrádusaid mat lea dahkkojuvvon dáid njuolggadusaid mielde sáhtá váidit Sámedikki váiddalávdegoddái, gč. hálddahuslága § 28.

Sámediggi almuha doarjagiid Stáhta ekonomiiastivrema njuolggadusaid mielde.

Doarjjaoažžut/Geat sáhttet ohcat:

- Fitnodagat

Fitnodagat mat ožžot dorjaga, galget leat registrerejuvvon Norgga Ovttadatregistarii. Doarjja ii addojuvvo olgoriikka fitnodagaide mat leat registrerejuvvon Norggas (NUF).

Ohcanáigemearri:

Ohcanáigemearri geassemánu 1. b.. Ohcamat mat leat sáddejuvvon dán beaivvi maŋŋá, eai meannuduvvo.

Gáibádusat ohcamii:

Ohcan galgá lágiduvvot Sámediggái ohcanáigemearis. Ohcan galgá ollašuhttit daid áiggis áigái gustojeaddji gáibádusaid, mat bohtet ovdan ohcanskovis. Ohcamat mat eai ollašuhte ohcaneavttuid, hilgojuvvojit.

Meroštallannjuolggadusat:

Ortnegis lea sierra meroštallannjuolggadus doarjaga várás.

Girjjálašvuoha:

a) Čállihonorára

- Fágagirjjálašvuoha 90 000 ru
- Honorára girjjálašvuoda jorgaleami ovddas, gitta 1 500 ru rádjai juohke siiddus mas leat 2000 čállinguoskkahaga
- Románat, noveallat ja muitalusat 100 000 ru
- Divttat, čájáhusat 90 000 ru

- Smávvamánáidgirjjit 70 000 ru
- Girjjálašvuoda jorgalanhonorára, gitta 1 500 ru rádjai juohke siiddus 2000 guoskkahagain

b) Buvttadeapmi

Prentejuvvon girjjiin:

Ollislaš buvttadangollun lohkkovuvvojit teknikkalaš buvttadeapmi ja doaimmahuslaš golut, ja doarjja rehkenastovuvvo čuovvovaččat árka nammii (mearkaša 16 siiddu):

- Dábálaš livttes barddáldat (prosa) 11 000 ru
- Váddáset barddáldat (lyriikka ja čájáhus) 14 000 ru

Jus submi gč. bajábealde máksomeriid, ii govčča ollislaš buvttadangoluid, de sáhtá ohcci bidjat ovdan ohccojuvvon proševtt gollomeroštama. Dat gálgá ákkastuvvot čálalaččat.

Teknikkalaš buvttadeapmin oaivvilduvvo formáhta, báberkvalitehta, ivdnegeavaheapmi, korrektuvradivvumat, čatnan ja olgoš.

Doaimmahuslaš gollun lohkkovuvvojit gielalaš, fágalaš ja pedagogalaš gieđahallan ja korrektuvralohkan.

Jietnagirjjit:

Ollislaš buvttangoluide gullá buot buvttadeapmi ja buhtadus, ja meroštallojuvvon ákkastuvvon ohcama vuođu, gitta 200 000 ru rádjai.

Applikašuvnnat:

Buvttangoluide gullá buot buvttadeapmi ja buhtadus ja meroštallojuvvon ákkastuvvon ohcam vuođu, gitta 200 000 ru rádjai.

Jus submi gč. bajábealde máksomeriid, ii govčča ollislaš buvttangoluid, de sáhtá ohcci bidjat ovdan ohccojuvvon proševtt gollomeroštama. Dat gálgá ákkastuvvot čálalaččat.

Buot buvttademiin oaivvilduvvo teknikkalaš buvttadeapmi, lohkan ja mángen.

c) Illustrašuvdnagolut

Illustrašuvdnabálkkát ja govvaostin meroštallojuvvon ákkastuvvon gollomeroštusa vuođu.

d) Oppalas golut

Dasa lassin sáhtá b) čuoggá goluin rehkenastit gitta 75 % oppalaš gollun prentejuvvon girjjiin ja gitta 40 % rádjai jietnagirjjiin.

e) Vuodaleapmi ja juohkin

Dasa lassin sáhtá doarjjaoažžu oažžut gitta 15 % rádjai b) čuoggá buvttangoluin vuodaleapmái ja juohkimii.

Definišuvnnat:

Oppalaš golut leat lágádusa eará golut girjji ráhkadeapmái earret dat mat bohtet ovdan

b) čuoggás Dat sáhttet leat lágádusa golut viessoláigui, kántorhálddahussii, mátkkiide, olggobealde konsuleantabávalusaide, dahkkivuoigatvuođaide, fágalaš kvalitehtasihkkarastimii, govvardigeremii ja sullasaččaide.

Ohcamiid árvoštallan ja vuoruheapmi:

Ohcamat árvoštallojuvvojit ekonomalaš, márkaniidguoski, tehnikkalaš, servodatlaš ávkki, dáiddalaš, fágalaš ja eará guoskevaš beliid vuodul, earret eará leago geavahusas vejolaš čađahit.

Ohcamiid árvoštallamis deattuhuvvojit fágalaš sisdoallu, ámmátlašvuohta ja kvalitehta. Raporterema váilun ovddit áššiin deattuhuvvo.

Ohcamiid meannudeami oktavuodas sáhtta Sámediggi árvoštallat ohcci/doaimma guhkes áiggi birgenlági, stabilitehta, nanusvuođa ja čađahannávccaid. Sámediggi sáhtta viežžat kredittadieđuid ohcci birra.

Oppalaš eavttut:

Doaibmabidju ii sáhte leat čađahuvvon dahje álggahuvvon ovdalgo Sámediggi lea ožžon ohcama. Erenoamáš ákkaid vuodul sáhtta spiehkastit dán njuolggadusas.

Fitnodagat, institušuvnnat ja organisašuvnnat mat ožžot doarjaga, galget leat registrerejuvvon Norgga Ovttatregistarii.

Ohcci galgá addit Sámediggái buot dieđuid mat leat dárbašlaš čađat vai sáhtta meannudit ohcama, dása gullet maid dieđut eará almmolaš doarjagiid birra.

Ohcci doaibma galgá dávistit gustovaš lágaide ja njuolggadusaide, dát guoská maiddá vearro-, divat- ja rehketoalloláhkaaddimii.

Maŋŋá doarjjamearrádusa sáhtta leat váldonjuolggadus ahte ii addojuvvo eanet doarjja seamma doaibmabidjui/prošektii.

Doarjjaoažžu galgá almmuhit ahte Sámediggi lea dorjon doaibmabidju/prošeavtta.

Mearrádus ja dohkkeheapmi:

Doarjjareive galgá čállojuvot Stáhta ekonomijastivrema mearrádusaid mielde, gč. čuoggá 6.3.3.

Mearrádusas galget dasto leat dieđut váiddavejolašvuođa, váiddaáigemeari, váiddainstánsa birra ja lagabui dan birra movt váidit, ja dasto vuoigatvuođa birra geahččat ášši áššebáhpriid, gč. hálddašanlága § 27.

Doarjjaoažžu galgá ovdal go lea gollan 5 vahku doarjjareive dáhtona rájes čálalaččat dohkkehit doarjjaeavttuid. Jos Sámediggi ii oaččo eavttuid dohkkeheami, sihkkojuvvo doarjja duođi eanet dieđiteahtta. Sus guhte vuolláičállá doarjjaeavttuid, ferte leat fápmudus geatnegahttit fitnodaga/ ásausa jna.

Gárvvistanáigemearri ja maŋiduvvon áigemearri:

Prošeakta galgá gárvvistuvvot maŋimusat jagi maŋŋá doarjjareive beaivádeami.

Erenoamáš ákkaid vuodul sáhtta doarjjaoažžu čálalaččat ohcat guhkit áigemeari prošeavtta/doaibmabidju gárvvistepmái. Ohcan galgá vuodustuvvot.

Doarjjaoažžus lea vuogiatvuohhta oažžut áigemeari guhkiduvvot jos Sámediggi gáibida rievdadit proševtta maŋŋá go dat lea álggahuvvon.

Rievdadusat doarjjaeavttuin:

Maŋŋágo lea ožžon doarjjalohpádusa, de lea doarjjaoažžus alddis geatnegasvuohhta dieđihit doarjjaeavttuid vejolaš rievdadusaid birra.

Doarjjaoažžu ii sáhte čađahit mearkkašahtti rievdadusaid guoskevaš proševttas dahje doaibmabijus ovdal go lea čálalaččat dieđihan Sámediggái ja ožžon Sámedikki čálalaš dohkkeheami. Dohkkehuvvon ruhtadanplána ja investerenplána rievdadeapmi adnojuvvo álo mearkkašahtti rievdadussan.

EEO-njuolggadusat:

Sámedikki doarjjaortnegat galget leat EEO-šiehtadusa njuolggadusaid rámmaid siskkobealde stáhtadoarjagiid ektui. Sámediggái gusket EEO-šiehtadusa mearrádusat seamma láhkai go stáhta- gieldda- ja fylkkahálddašeapmái dan ektui movt almmolaš doarjagat galget juolluduvvot.

Doarjaga sáhtta oažžut bálvalusaide main lea dábalaš ekonomalaš mearkkašupmi.

ESA sáhtta geatnegahttit Sámedikki gáibidit doarjaga ruovttoluotta doarjjaoažžus jos doarjja ii leat juolluduvvon njuolggadusaid mielde dahje doarjjaoažžu ii geavat doarjaga dan ulbmili masa lea addojuvvon.

Máksineavttut:

Jos doarjjaoažžu galggaš oažžut ruđaid, de ferte sáddet Sámediggái máksinávžžuhusa. Sus guhte vuolláičállá máksinávžžuhusa, galgá leat fápmudus geatnegahttit fitnodaga jna.

Doarjja máksojuvvo čuovvovaš eavttuid mielde:

50 % máksojuvvo dalle go prošeahta/doaibmabidju lea álggahuvvon ja 50 % dalle go mearrádusa eavttut leat ollašuhthtojuvvon.

Jos ohcci ovdal lea ožžon doarjaga Sámedikkis ja doarjjaoažžu lea rihkon doarjjaeavttuid, de sáhtta dat dagahit dan ahte máksimat bissehuvvojit dassážiigo eavttuid rihkkun lea nohkan. Muđui gustojit Boarásmuvvan gáibádusaid lága njuolggadusat (áššeboarásmanláhka).

Raporteren ja bearráigeahčču:

Doarjjaoažžu galgá raporteret ruđaid geavaheami birra. 10 gáhppálaga gárvvistuvvon buktagis galget sáddejuvvo Sámediggái oktan loahppamáksinávžžuhusain. Dát galget sáddejuvvo Sámediggái Kárášjogas. Maŋimus oassi ii máksojuvvo ovdal go dát leat sáddejuvvon.

Applikašuvvnat ja digitála almmuheamit galget lágiduvvot Sámediggái oktan raporteremiin.

Rehketdoallu ruđaid geavaheamis galgá čájeht olluš goluid ja dietnasa. Dasa gullet proševtta/ doaibmabiju eará vejolaš doarjagat ja dietnasat. Rehketdollui sáhtta váldit mielde dušše dakkár goluid ja dietnasiid mat njuolga leat čadnojuvvon proševtta/doaibmabiju čađaheapmái. Dalle go lea dohkkehuvvon gollomeroštus, galgá rehketdoallu leat bardojuvvon nu ahte dan sáhtta buohtastahttit gollomeroštusain. Stuorra spiehkastagaid dohkkehuvvon gollomeroštusa ja

rehketdoalu gaskka galgá kommenteret. Rehketdoalu galgá leat vuolláičállán jođiheaddji/ovddasvástideaddji.

Badjel 200 000 ruvdnosaš doarjaga ruhtageavaheami rehketdoalu galgá stáhtaaudiserejuvvon dahje registrerejuvvon revisora duođaštit. Revišuvdna galgá čađahuvvot áiggis áigái gustovaš nationála ja riikkaidgaskasaš revišuvdnastandárddaid vuođul. Revisora galgá identifiseret rehketdoalu ollislaš goluid ektui mat čatnasit doarjagii ja vejolaš geavatkeahes ruđaide. Dasa lassin ahte rehketdoallu lea čađahuvvon válddahuvvon rehketdoalloprinsihpaid vuođul, galgá revisora duođaštit ahte dat eavttut mat gustojit guoskevaš doarjaga geavaheapmái leat ollašuttuuvvon.

Doarjjaoažžu gii lea registrerejuvvon momsaregistarii, galgá rehketdoalus čájehit goluid ja dietnasiid momssa haga. Dát ii guoskka sidjiide geat leat luvvejuvvon momsadivadis dahje ožžot spiehkastit momsadivada rehkenastimis.

Jos loahpalaš golut prošeavtta/doaibmabiju rehketdoalus leat unnit go dat dohkkehuvvon gollomeroštus mii boahťa ovdan mearrádusas, de sáhtťa Sámediggi oanidit doarjaga vásttolaččat.

Sámediggi ja Riikarevišuvdna sáhttet dárkkistit geavahuvvojit go ruđat eavttuid mielde, gč. juolludusnjuolggadusaid § 10 nuppi lađđasa ja riikarevišuvdnalága § 12 goalmmat lađđasa.

Doarjaga ruovttoluotta máksin ja sihkkun:

Prošeavtta gárvvisteami oktavuodas galget geavatkeahes doarjjaruđat máksojuvvot ruovttoluotta Sámediggái.

Sámediggi sáhtťa gáibidit doarjaga ruovttoluotta máksojuvvot jos dat lea máksojuvvon menddo ollu.

Sámediggi sáhtťa geassit doarjjalohpádusa ruovttoluotta dahje gáibidit ahte doarjja máksojuvvo ruovttoluotta jos:

- doarjjaoažžu lea rihkkon dieđihangeaskku
- doarjja ii geavahuvvo daid eavttuid mielde mat leat mearriduvvon doarjjareivves
- doarjja ii leat geavahuvvon juolludusa ulbmila mielde
- lea gáibiduvvon heaittiheapmi, ovddiduvvon reastaluvvangohčus, priváhta dahje almmolaš vealgešiehtadallamat leat rahppojuvvon doarjjaoažžu ektui dahje doarjjaoažžu heaitá máksimis máksámušaidis
- doarjjaoažžu eará duođalaš láhkái lea rihkkon daid njuolggadusaid mearrádusaid

Jos doarjjaoažžu dákkár oktavuodain ii mávsse ruovttoluotta, de sáhtťa Sámediggi rievtti bokte gáibidit máksojuvvot dan mii lea buorin. Jos ruđat eai máksojuvvo ruovttoluotta dan áigemeari sisa mii lea biddjojuvvon, de sáhtťa gáibidit maŋnoneami ovddas reanttuid vel lassin, gč. juovlamánu 17. b. 1976 mannosas lága nr. 100 reanttuid birra maŋnonan máksima oktavuodas jna.

Evalueren:

Sámediggi galgá jeavddalaččat árvvoštallat oažžun dihte dieđuid dan birra ahte leat go doarjjaortnegat beaktilat resursageavaheami, organiserema ja mearriduvvon mihttomeriid ektui.